

# 125 menjadi ahli GPMS seumur hidup

**KUALA LUMPUR, Sabtu** — Kira-kira 125 tokoh dan bekas jawatankuasa Gabungan Pelajar Melayu Semenanjung (GPMS) telah mendaftar untuk menjadi ahli seumur hidup.

Di antara mereka, termasuklah isteri Perdana Menteri, Datin Seri Dr. Siti Hasmah Ali, bekas ahli jawatankuasa pengasas GPMS pada tahun 1948.

Juga Timbalan Perdana Menteri, Datuk Musa Hitam bekas pemimpin GMPSP pada tahun 1956, Tan Sri Datuk Ishak Patch Akhir, Ketua Unit Perancang Ekonomi di Jabatan Perdana Menteri yang pernah menjadi Setiausaha Agung GPMS pada tahun 1952.

Beberapa bekas Presi-

**Oleh JUSOF A. MANAF**

den dan Setiausaha Agung GPMS yang turut mendaftar ialah Menteri Tak Berfollo di JPM, Datuk Abdullah Haji Ahmad Badawi, Presiden GPMS tahun 1962/1964; Setiausaha Politik Kementerian Perumahan Awam, Encik Hussein Mahmud yang pernah menjadi Setiausaha Agung dan Presiden; Ahli Dewan Undangan Sementa, Selangor, Encik Onn Ismail; dan Haji Amir Yaacob.

Perdana Menteri, Datuk Seri Dr. Mahathir Mohamed, akan melancarkan keahlian seumur hidup pada 27 Februari sempena Jamuan Makan Malam GPMS di hotel Jayapuri, Petaling Jaya.

Melalui pelancaran itu, menurut Naib Timbalan Presiden GPMS, Encik Mohd. Nasir Mokhsan, sifil keahlian

akan disampaikan kepada mereka di malam tersebut.

Majlis Makan Malam Perdana anjuran pertama kali badan gabungan pelajar itu, bertujuan menghimpunkan tokoh dan bekas ahli untuk merapatkan hubungan dan mengenang kembali sejarah perjuangan mereka dalam GPMS.

Di samping itu, ia juga dirangka untuk merangkumkan jumlah ahli GPMS yang 100,000 itu menjadi ahli seumur hidup.

Mereka yang menjadi ahli seumur hidup dikenakan bayaran \$300 seorang. Bayarannya, boleh dibuat secara beransur dan boleh juga secara dijelaskan sekaligus.

Menurut Encik Nasir, hasil dari jamuan malam itu ialah untuk

mengisi tabung pembangunan GPMS. Melalui tabung tersebut, katanya, beberapa kegiatan GPMS dapat ditampung seperti kempen kesedaran, motivasi, gerakan obor, bimbingan kerjaya, kursus kepimpinan dan pengurusan, ceramah pembelajaran dan sebagainya.

Selain itu, ia juga untuk mendirikan bangunan GPMS.

Encik Nasir berharap semua bekas ahli jawatankuasa sejak 1948 hingga kini dan orang perseorangan yang terlibat secara aktif dengan GPMS, menjadi ahli seumur hidup.

Mereka yang ingin menjadi ahli seumur hidup, bolehlah menghubungi Sekretariat Kebangsaan GPMS, No: 1, Jalan Mahameru, Kuala Lumpur. Telefon: 926152.